

Ўзбекистон Республикаси
Адлия вазирлиги томонидан

2021 йил 16 январда

8777-сон билан

“ҚАЙТА РЎЙХАТДАН
ЎТКАЗИЛГАН”



Ўзбекистон Республикаси
Миллий Олимпия қўмитаси

Бош ассамблеясининг

2020 йил 16 ноябрдаги навбатдан
ташқари утказилган XXXVII сон

йиғилиш қарори билан

“ТАСДИҚЛАНГАН”



ЎЗБЕКИСТОН РЕСПУБЛИКАСИ МИЛЛИЙ ОЛИМПИА ҚЎМИТАСИ

УСТАВИ

(янги таҳрири)



Тошкент - 2020 йил

I. Умумий қоидалар

1.1. Ўзбекистон Республикаси Миллий Олимпия кўмитаси (кейинги ўринларда - Кўмита) ўз аъзоларининг ҳуқуқлари ва қонуний манфаатларини ифодалаш ва ҳимоя қилиш мақсадида ташкил этилган нодавлат ноижорат ташкилоти ҳисобланиб, унинг ташкилий-ҳуқуқий шакли жамоат бирлашмасидир.

1.2. Кўмита ўз фаолиятини Ўзбекистон Республикаси Конституцияси, “Нодавлат ноижорат ташкилотлари тўғрисида”ги, “Ўзбекистон Республикасида жамоат бирлашмалари тўғрисида”ги қонунлар ҳамда нодавлат ноижорат ташкилотлари фаолиятларини тартибга солувчи бошқа норматив-ҳуқуқий ҳужжатлар, шунингдек Халқаро Олимпия кўмитаси (ХОК)нинг Олимпия Хартияси, қоида ва регламентлари, халқаро шартномалар ва мазкур уставга мувофиқ амалга оширади.

1.3. Кўмита – фойда олишни ўз фаолиятининг асосий мақсади қилиб олмаган ва олинган даромадларни ўз аъзолари ўртасида тақсимламайдиган юридик шахс ҳисобланади.

1.4. Кўмита фаолияти ихтиёрийлик, коллегиялик, тенг ҳуқуқлилик, ошкоралик, кўнфикрлилик ва қонунийлик ҳамда спорт соҳаси, Олимпизм анъаналари ва халқаро ҳуқуқнинг умумэътироф этилган тамойилларига асосланади.

1.5. Ўз фаолият мақсадларига эришиш учун Кўмита бошқа юридик ва жисмоний шахслар билан шартномалар тузиши, мулкий ва шахсий номулкий ҳуқуқларга эга бўлиши ҳамда судда даъвогар ва жавобгар сифатида иштирок этиши мумкин.

1.6. Кўмита ўз номига, муҳр ва штампларига ҳамда белгиланган тартибда Ўзбекистон Республикаси Адлия вазирлигидан рўйхатдан ўтган рамзига, тегишли банкда ўз миллий ва хорижий валюта ҳисоб рақамларига ҳамда бошқа ўз фаолиятига зарур бўлган атрибутика ва реквизитларга эга бўлиш ҳуқуқига эга.

1.7. Кўмита ўз фаолиятини Ўзбекистон Республикаси ҳудудида амалга оширади.

1.8. Кўмитанинг фаолият муддати чекланмаган.

1.9. Кўмитанинг давлат тилидаги тўлиқ номи:

Ўзбекистон Республикаси Миллий Олимпия кўмитаси;

давлат тилидаги қисқа номи: “Ўзбекистон Республикаси МОҚ”

рус тилидаги тўлиқ номи:

Национальный Олимпийский комитет Республики Узбекистан;

рус тилидаги қисқа номи: НОК Республики Узбекистан;

инглиз тилидаги тўлиқ номи:

National Olympic Committee of the Republic of Uzbekistan



инглиз тилидаги қисқа номи: NOC of the Republic of Uzbekistan.

1.10. Кўмитанинг жойлашган ери (почта манзили): Ўзбекистон Республикаси, Тошкент шаҳар, Шайхонтохур тумани, Олмазор кўчаси, 6-уй.

II. Кўмитанинг мақсад ва вазифалари

2.1. Кўмитанинг асосий мақсади:

Халқаро Олимпия Кўмитасининг Олимпия хартиясидаги тамойилларга асосланган ҳолда Ўзбекистонда Олимпия ҳаракатини ривожлантириш ва ҳимоя қилиш;

олий даражаларга эришган спорт турларини ривожлантириш асосида Ўзбекистон Республикаси спортининг халқаро майдондаги мавқеини мустаҳкамлаш ва нуфузини ошириш;

жисмоний маданият ва спорт билан оммавий шуғулланиш, халқ ўғиллари, миллий спорт турлари ва ногиронлар ўртасидаги спортни ривожлантириш орқали мамлакат аҳолисининг жисмоний ва маънавий тарбиясига кўмаклашиш;

мамлакат терма жамоалари ва уларнинг заҳираларини тайёрлашга ёрдам ҳамда жамоат жисмоний тарбия ва спорт ташкилотлари, Республика спорт федерацияларига кўмаклашиш, спорт маъмурларини ўқитишда ёрдам кўрсатиш;

Ўзбекистон Республикаси спорт делегациясининг Олимпия, Осиё ўйинларида, шунингдек, ХОҚ (Халқаро Олимпия Кўмитаси) ёки ООҚ (Осиё Олимпия Кенгаши) ҳомийлигида ўтказиладиган минтақавий, континентал ёки жаҳон миқёсидаги мажмуавий спорт мусобақаларида иштирокини таъминлаш этишга, бошқариш ва уларни жамлашга кўмаклашиш;

спортчилар, мураббий, спорт ҳакамлари, жисмоний тарбия ва спорт фахрийларининг манфаатларини ҳимоя қилиш ва уларни қўллаб-қувватлаш ва бошқалар.

2.2. Кўмита фаолиятининг асосий вазифалари қуйидагилар:

Ўзбекистон Республикаси қонунчилигига ва ХОҚсининг Тиббиёт кодексидagi допингдан фойдаланиш, ХОҚ ва Халқаро федерациялар қонунидан тақиқланган дори-дармонлар ва муолажаларни қабул қилишга қарши курашишга оид қоидаларга риоя этиш бўйича чора-тадбирларни амалга ошириш, антидопинг агентлиги қошидаги “Ахлоқ комиссия”си фаолиятига кўмаклашиш ва иштирок этиш;

халқаро спорт ҳамкорлигини ривожлантириш, бошқа мамлакатларнинг Миллий Олимпия кўмиталари билан алоқаларни ўрнатиш ва кенгайтириш, Халқаро Олимпия Кўмитаси, Осиё Олимпия Кенгаши, Республика ва Халқаро Олимпия академияси, Халқаро спорт федерациялари билан



доимий алоқаларни амалга ошириш, Халқаро Олимпия Кўмитасининг Олимпия бирдамлиги дастурларида иштирок этиш;

Олимпия Ҳаракатининг маданий-маърифий салоҳияти ва у билан боғлиқ бўлган маънавий, эстетик, ахлоқий ва инсонпарварлик қадриятларини рўёбга чиқариш, ор-номус, олийжаноблик ғоя ва тамойилларини спорт ва ҳаётга тарғиб қилиш;

хар йили “Олимпия куни”ни ўтказиш;

спорт соҳасида кадрлар тайёрлаш ва иш тажрибасини алмашиш борасида илмий-амалий конференциялар, семинар ва курслар ташкил этиш;

Кўмита фаолиятини иқтисодий таъминлаш бўйича маркетинг тadbирларини белгиланган тартибда амалга ошириш;

хайр-саховат акцияларида иштирок этиш ва ногиронлар орасидаги спортнинг ривожланишини қўллаб-қувватлашни ташкил этиш;

Ўзбекистон хотин-қизлари орасида жисмоний маданият ва спортнинг ривожланиши учун ҳар томонлама ёрдам кўрсатиш;

жисмоний тарбия ва спортнинг илмий-техник асосларини ривожлантиришга, жисмоний тарбия ва спорт кадрларини тайёрлашга кўмаклашиш;

жисмоний тарбия ва спорт соҳасида ваколатли давлат органига, бошқа давлат органлари ва ташкилотларига, жисмоний тарбия ва спорт ташкилотларига спорт турлари бўйича Миллий терма жамоаларни шакллантиришга, спортчилар ва мураббийларни ўқитиш ва ўқув-машғулот йиғинларида иштирок этишда кўмаклашиш;

Халқаро Олимпия кўмитаси ва Осиё Олимпия Кенгаши томонидан ўтказиладиган Олимпия, Осиё ўйинлари, шунингдек минтақавий ёки бутунжаҳон спорт мусобақаларида Ўзбекистон Республикасининг спорт делегацияларига иштирок этишини таъминлашга кўмаклашиш;

ўз фаолиятини тегишли давлат органлари билан ўзаро алоқада ва ҳамкорликда амалга оширишга кўмаклашишдан иборат.

Кўмитанинг барча аъзолари ва қатнашчиларига ушбу уставда белгиланган доирада ёрдам кўрсатади;

Олимпия ҳаракати лойиҳалари ва дастурларини илмий, ишлаб чиқариш, ҳуқуқий, молиявий, моддий-техник ва бошқа таъминотларида қатнашади.

Кўмитанинг Олимпия ва спорт мавзусидаги семинар ва техник курсларни ташкил этади ва ўтказади, илмий-тадқиқот ва таълим фаолиятида иштирок этади, жумладан, маърузачилар, мураббийлар, ўқитувчилар ва бошқа мутахассислар билан таъминлаш орқали федерация (ассоциация) ва бошқа спорт ташкилотларига ёрдам беради;

ХОКда шунингдек, спорт масалалари бўйича халқаро ва ташкилотлар билан алоқаларда ўз манфаатларини ифода этади;



Ўзбекистон Республикаси спортчиларига халқаро мусобақаларга, жаҳон чемпионатлари ва олимпия ўйинларига тайёргарлик кўришда ва уларда қатнашишга ҳар томонлама кўмаклашади.

III. Кўмитанинг ҳуқуқ ва мажбуриятлари

3.1. Кўмита қуйидаги ҳуқуқларга эга:

ўз аъзоларининг ҳуқуқлари, эркинликлари ва қонуний манфаатларини ифода этиш ва ҳимоялаш;

ижтимоий ҳаётнинг турли хил масалалари бўйича ташаббус билан чиқиш;

қонун ҳужжатларида белгиланган тартибда давлат ҳокимияти ва бошқаруви органларига спорт турларини такомиллаштиришга қаратилган таклифлар киритиш;

спорт соҳасида мақсадли дастурлар ва лойиҳаларни амалга оширишда давлат бошқарув ва маҳаллий ташкилотлар билан ҳамкорлик қилиш;

ўз фаолияти тўғрисида ахборот тарқатиш;

аъзоларининг моддий-техник базасини яратиш ва яхшилаш, бу борада давлат органлари билан ижтимоий шериклик муносабатларини ўрнатиш;

ўз фаолиятига доир шартнома ва битимлар тузиш;

ўз фаолиятига тааллуқли масалалар юзасидан йиғилишлар, конференциялар ўтказиш;

аъзоларини давлат ва халқаро мукофотларга тавсия этиш ҳамда ўз мукофотларини таъсис этиш;

белгиланган тартибда алоҳида бўлинмалар ташкил этиш;

уставда белгиланган вазифаларни бажариш учун тадбиркорлик тузилмаларини ташкил этиш;

ўз рамзий белгиларини таъсис этиш;

қонун ҳужжатларида назарда тутилган бошқа ҳуқуқлар.

3.2. Кўмитанинг мажбуриятлари:

қонун ҳужжатлари ва таъсис ҳужжатларига риоя этиш;

ўз мол-мулки ва пул маблағларидан фойдаланиши, шу жумладан молниялаштириш манбалари тўғрисидаги ахборот билан танишиш эркинлигини таъминлаш;

рўйхатдан ўтказувчи органни ўтказиши режалаштирилаётган тадбирлари ҳақида олдиндан хабардор қилиш ҳамда ўтказаётган тадбирларига рўйхатдан ўтказувчи орган вакилини эркин кириш имконини бериш;

Кўмита вакилларининг чет мамлакатларга Кўмита фаолияти билан боғлиқ ташрифлари уюштирилиши ҳақида рўйхатдан ўтказувчи органни хабардор қилиш;



чет давлатлардан, халқаро ва чет эл ташкилотларидан, чет давлатларнинг фуқароларидан ёки уларнинг топшириғига биноан бошқа шахслардан пул маблағлари ва мол-мулк олишни рўйхатдан ўтказувчи орган билан келишиб олиш;

рўйхатдан ўтказувчи органга, давлат солиқ хизмати органларига ва давлат статистикаси органларига ўз фаолияти тўғрисида белгиланган тартибда ҳисоботлар тақдим этиш;

қонун ҳужжатларида назарда тутилган бошқа мажбуриятлар.

IV. Қўмита аъзолари, уларнинг ҳуқуқ ва мажбуриятлари

4.1. Қўмита аъзолигига, уларнинг ёзма ёки электрон шаклдаги мурожаатлари асосида 18 ёшга тўлган, ушбу уставни тан олувчи ва унга риоя қилувчи миллати, irqи, жинсидан қатъий назар Ўзбекистон ҳудудида истиқомат қилаётган шахслар Ижроия қўмита қарори асосида қабул қилинади.

Шунингдек, юридик шахснинг ходимларидан иборат жамоалари ўзларининг коллегиял йиғилиш қарорига асосан қўмитага жамоавий аъзо бўлиб кириши мумкин. Бунда жамоавий аъзо номидан Қўмитага юридик шахснинг жамоавий аъзоликка номзодларнинг коллегиял йиғилиши ваколат берган шахс ёки юридик шахснинг раҳбари мурожаат қилади.

Қуйидаги шахслар Қўмита аъзоси бўлиши мумкин:

Ўзбекистон Республикаси фуқаролари;

чет эл фуқаролари ва фуқаролиги бўлмаган шахслар;

Қўмита фаолиятида жамоавий аъзолар (республика, Қорақалпоғистон республикаси, Тошкент шаҳар ва вилоят жисмоний-тарбия ва спорт ташкилотлари, барча федерация (ассоциация)лар, спорт клублари, марҳумлар, муассасалар ҳамда бошқа ташкилотларнинг меҳнат жамоалари ҳам қатнашишлари мумкин);

Олимпия ҳаракати ривожига улкан ҳисса қўшган жисмоний шахслар Ижроия қўмита қарорига биноан Қўмитаниң “Фахрий аъзоси” сифатида тан олинганлари мумкин. Фахрий аъзолар Қўмитаниң бошқа аъзолари қаторида ҳуқуқ ва мажбуриятларга эга бўлади (кириш ва аъзолик бадалларини тўлаш бундан мустасно).

Қўмитага мазкур уставни тан олган ва ҳурмат қилган Ўзбекистон Республикаси фуқаролари, чет эл фуқаролари ва фуқаролиги бўлмаган шахслар аъзо бўладилар ва барча аъзоларнинг ҳуқуқ ва манфаатлари тенг равишда ҳимоя қилинади.

Қарор ва аъзолик бадаллари миқдори Ижроия қўмита қарори билан белгиланади. Қўмита аъзолари белгиланган тартибда кириш ва аъзолик бадалларини тўлайдилар ёки озод этиладилар.



Халқаро Олимпия кўмитасидан чиқарилган аъзолар, фахрий аъзолар Ўзбекистон Миллий Олимпия кўмитаси аъзоси бўлмайди.

4.2. Кўмита аъзолигидан аъзоларнинг ёзма аризасига асосан ихтиёрий равишда чиқариш Ижроия кўмита қарори асосида амалга оширилади.

Аъзолик бадалларини мунтазам тўламаган ҳамда мазкур устав қондаларини кўпол равишда бузганда Ижроия кўмита қарорига асосан аъзоликдан чиқарилади.

Аъзоликдан чиққанда тўланган кириш ва аъзолик бадаллари қайтарилмайди ҳамда Кўмита томонидан бериладиган моддий, молиявий ва бошқа кўмаклар тўхтатилади.

4.3. Кўмита аъзолари қуйидаги ҳуқуқларга эга:

Кўмита аъзолигига кириш ва аъзоликдан чиқиш;

мазкур уставга мувофиқ Кўмитани бошқаришда иштирок этиш;

Кўмита раҳбар органлари ва бошқарув органлари таркибига сайлаш ва сайланиш;

давлат ҳокимияти ва бошқарув органларида ўз фаолиятига доир масалалар кўриб чиқилишида Кўмита кўмагидан фойдаланиш;

Кўмита фаолияти ҳақида ахборот олиш;

Кўмита томонидан ташкил этилган турли тадбирларда (семинарлар, конференциялар, мусобақалар, хорижий сафарлар, кўргазмалар, ва бошқаларда) иштирок этиш;

хорижий алоқаларни ўрнатиш ва ривожлантириш ҳамда улар фаолияти тўғрисидаги маълумотларни кенг жамоатчилик эътиборига ҳавола қилишда Кўмита кўмагидан фойдаланиш;

Кўмитанинг ахборот ҳамда моддий-техника базасидан фойдаланиш;

Бош ассамблеядан камида икки ой олдин муҳокамаси зарур ҳисобланган масалаларни унинг кун тартибига киритиш бўйича таклифларни Ижрокўмга тақдим этиш.

Кўмитанинг ҳар бир аъзоси битта овозга эга.

4.4. Кўмита аъзоларининг мажбуриятлари:

Кўмита уставига риоя этиш;

Кўмита раҳбар ва бошқарув органлари қарорларини ижро этиш;

аъзолик бадалларини ўз вақтида тўлаш;

V. Кўмита раҳбар органлари

5.1. Кўмитанинг раҳбар органлари қуйидагилар:

Бош ассамблея;

Ижроия кўмита;

Ижроия кўмита бюроси.

5.2. Бош ассамблея:



Кўмитанинг олий раҳбар органи ҳисобланади ва бир йилда камида бир марта чақирилади. Тўрт йилда навбатдаги Олимпия ўйинларидан кейин ҳисобот-сайлов Бош ассамблеяси ўтказилади, унда Ижроия кўмитасининг ҳисоботи тингланади ва бошқарув органларининг сайловлари ўтказилади;

Бош ассамблеяни ўтказиш ташаббуси билан чиққан раҳбар орган Бош ассамблея иштирокчиларини, унинг ўтказиш вақти, жойи ва кун тартибини камида 30 кун олдин эълон қилади.

Бош ассамблея Ижроия кўмита қарорига асосан, Кўмита аъзоларидан ва (ёки) делегатлардан шакллантирилади.

навбатдан ташқари Бош ассамблея Ижроия кўмита қарорига биноан ёки Кўмита аъзоларининг камида 1/3 қисми ташаббусига кўра ёхуд Тафтиш комиссия аъзоларининг йиғилиш қарорига кўра ўтказилади;

Бош ассамблея қарор қабул қилиш ҳуқуқига эга аъзоларининг ярми иштирок этган тақдирда фақат кун тартибига киритилган масалалар юзасидан қарор қабул қилиш ҳуқуқига эга. Қарор очик ёки яширин овоз бериш йўли билан қатнашаётган аъзоларнинг оддий кўпчилик овоз бериши орқали қабул қилинади. Кўмита аъзолари Бош ассамблея ўтказилишидан камида ўн кун олдин хабардор қилинадилар;

Олимпия ўйинлари билан боғлиқ масалалар ҳал қилинаётганда фақат Ижроия кўмита аъзоларининг ва Олимпия ўйинлари дастурига киритилган спорт турлари бўйича спорт федерациялари вакилларининг овозлари эътиборга олинади;

Раис, Раис ўринбосарларини, Бош котиб, Ижроия кўмита аъзоларини ҳамда Тафтиш комиссияси раиси ва аъзоларини очик ёки яширин овоз бериш йўли билан тўрт йил муддатга сайлайди, Кўмита аъзоларининг 50 фоиздан кўп овозини тўшлаган номзод сайланган ҳисобланади;

Раис, Раис ўринбосарларини, Бош котиб, Ижроия кўмита аъзоларини ҳамда Тафтиш комиссияси ва аъзоларининг ваколатларини муддатидан олдин тўхтатиш;

Ўзбекистон Республикасида Олимпия ҳаракатининг ривожланиши билан боғлиқ бўлган масалаларни кўриб чиқиш, улар юзасидан тегишли қарорлар қабул қилиш;

Халқаро Олимпия Кўмитаси маъқуллаш шарти билан Кўмитанинг янги таҳрирдаги Уставини тасдиқлаш, унга қўшимча ва ўзгартиришлар киритиш;

ҳар бир ҳисобот йили ва тўрт йиллик даврдаги Ижроия кўмита ва Тафтиш комиссиясининг ҳисоботларини кўриб чиқиш ва тасдиқлаш;

Кўмита фаолиятининг асосий йўналишларини белгилаш;

Ижроия кўмита аъзоларини сайлаш;

Олимпиада, Осиё ўйинларига ва ХОҚ, Осиё Олимпия Кенгаши раҳбарлиги остида ўтказиладиган бошқа мусобақаларга республика шаҳарлари номзодини кўрсатиш бўйича қарор қабул қилиш.



Кўмитанинг келгуси даври учун фаолият дастурини тасдиқлаш;
 Кўмита совринлари ва мукофотларини таъсис этиш ва тасдиқлаш,
 уларни топшириш шакллари ва шартларини белгилаш;
 Республика спорт федерациялари ва уларга тенглаштирилган
 бирлашмаларни, ассоциацияларни, уюшмаларни тан олиш;
 Кўмитани тугатиш ва қайта ташкил қилиш масаласини ҳал қилиш;
 Кўмитани қайта ташкил этиш ёки тугатиш комиссиясини тайинлаш,
 оралик тугатиш баланси ва тугатиш балансини тасдиқлаш ҳақида қарор
 қабул қилиш;
 қонун ҳужжатлари билан таъқиқланмайдиган бошқа ваколатларни
 амалга ошириш.

5.3. Бош ассамблеянинг мутлақ ваколатига тегишли масалалар Кўмита
 бошқа органларига берилиши мумкин эмас.

5.4. Ўзбекистон Миллий Олимпия кўмитаси фаолиятининг Бош
 ассамблеялар оралигидаги даврга Кўмита фаолиятига Ижроия кўмита
 раёбарликни амалга оширади. Ижроия кўмита таркиби ва сони Бош
 ассамблея томондан белгиланади. Ижроия кўмита таркибига Раис, Раис
 ўринбосарлари, Бош котиб, Ижроия кўмита аъзолари ва Бош ассамблея
 томондан сайланган бошқа аъзолар киритилади.

5.5. Ижроия кўмита:

Бош ассамблея ўтказиладиган сана, жой ва тартибини белгилаш;
 амалдаги Уставга риоя этишни таъминлаш;
 Кўмитанинг бюджетини, унинг фаолиятининг молиявий ва маъмурий
 ҳодаларини тасдиқлаш, шунингдек, уларга риоя этишни назорат қилиш;
 доимий комиссияларни тузиш, рўйхатини тасдиқлаш, уларнинг
 фаолият тури, доираси ва ваколатларини аниқлаш;
 Бош ассамблея топшириқларини бажариш;
 Кўмитанинг мол-мулкларини бошқариш, фойдаланиш, тасарруф этиш
 ҳукуқи;

Кўмитанинг янги аъзоларини танлаш бўйича таклифларни тайёрлаш,
 кўмита аъзоларини раёбарлантириш ва мазкур Устав талабларини
 бажармаганлик ҳолларида кўмита аъзоларига нисбатан чоралар кўриш;

Кўмита томонидан тузилган битимлар, ахднома, шартномлар ва бошқа
 келишув шартларини кўриб чиқиш;

Олимпия, Осиё ўйинлари, шунингдек, ХОҚ ёки ООК (Осиё Олимпия
 Кенгаши) ҳомийлигида ўтказиладиган бошқа комплекс халқаро спорт
 мусобақаларига Ўзбекистон терма жамоасини тайёрлаш ҳамда унинг
 иштирокини таъминлаш масалаларини кўриб чиқиш ва қарор қабул қилиш;

республиканинг тегишли спорт федерациялари таклиф қилган
 спортчиларнинг аризалари бўйича қарорлар қабул қилиш.



Спорт федерациялари томонидан берилаётган аризаларнинг Олимпия талабларига (ҳар томонлама) мослигини таъминлаш;

Спорт ташкилотлари тақдим қилган талабномаларни ҳар тарафлама Олимпия Хартияси қоидаларига мувофиқлигини таъминлаш;

Ўзбекистон спорт делегацияси аъзоларини керакли анжомлар билан таъминлаш, уларни манзилга етказиш ва жойлаштириш масаласини кўриб чиқиш;

спорт делегациялари аъзолари фойдасига бахтсиз ҳодисалардан (ногиронлик, ўлим, касаллик, тиббий ва дори-дармон харажатлар) ва учинчи шахслар олдидаги фуқаролик жавобгарлигидан суғурта қилиш тўғрисида шартномалар тузилишини таъминлаш.

Ижроия кўмитаси ўз йиғилишлари заруратга қараб, аммо бир йилда камида уч марта ўтказилади, шунингдек, Кўмита Раиси қарори ва Ижроия кўмитаси аъзоларининг 1/3 қисмидан ортигининг талаби бўйича ҳам чақирилиши мумкин.

Ваколат муддати тугаганидан кейин ҳам Ижроия кўмита навбатдаги Бош ассамблеягача ваколатлидир;

Ижроия кўмита Ижроия кўмита Бюроси аъзоларини сайлайди, ишини ташкил қилади ва унинг вазифаларини белгилайди;

Кўмитанинг йиллик ҳисоботларини, бюджетини ва йиллик бухгалтерия балансларини тасдиқлайди;

Қонун ҳужжатлари билан таъқиқланмаган ва Бош ассамблея томонидан берилган бошқа ваколатларни амалга оширади;

Ижроия кўмита йиғилишида унинг аъзоларининг камида ярми иштирок этганда қарор қабул қилиниши мумкин. Қарорлар очиқ овоз бериш йўли билан қатнашаётган аъзоларнинг оддий кўпчилик овози билан қабул қилинади. Овозлар тенг бўлган тақдирда Раиснинг овози ҳал қилувчи ҳисобланади.

5.6. Кўмита Ижроия кўмитаси ўз ваколатлари даврида Ижроия кўмитаси Бюросини ташкил қилади ва аъзоларини сайлайди.

5.7. Ижроия кўмитаси Бюроси:

Кўмита фаолиятидаги жорий масалаларни тезкорлик билан кўриб чиқиш, кўрилган масалалар бўйича қарорлар қабул қилиш, Кўмита тадбирларини ўтказиш, битимлар тузиш, Олимпия, Осиё, Марказий Осиё, Бутунжаҳон ўсмирлар ўйинлари ва бошқа халқаро тадбирларга тайёргарлик кўриш масалаларини тезкор ҳал қилиш;

юридик шахснинг ҳуқуқлари ва мажбуриятларини Кўмита номидан амалга оширади.

5.8. Кўмита Раиси:

Кўмита Раиси Олимпия Хартиясига таянади ва мазкур Устави билан белгиланган ваколатлар доирасида фаолият кўрсатади;



Кўмита номидан хорижий давлат ва жамоат ташкилотларининг органларида вакиллик қилади, Кўмита манфаатларини давлат, нодавлат нотижорат ташкилотлар, жамоат ташкилотлари ва бошқа ҳуқуқни муҳофаза қилувчи ташкилотларда ҳимоя қилади;

Кўмита номидан ишончномасиз ҳаракат қилади;

меҳнат тўғрисидаги қонун ҳужжатларига асосан, ходимларни ишга қабул қилади, ишдан озод этади, меҳнат, фуқаролик ҳуқуқий шартномаларини тузади ва бошқа меҳнат ҳамда фуқаролик-ҳуқуқий муносабатларни амалга оширади;

Кўмита раҳбар органлари йиғилишларида овоз бериш вақтида ҳар қандай масалалар бўйича овозлар тенг бўлиб қолганда, ҳал қилувчи овоз бериш ҳуқуқига эга бўлади;

Кўмита расмий ҳужжатларига имзо қўяди, Кўмитада янги тузилма ташкил қилади, ташкил қилинган тузилмани тугатади, штат жадвали ва лавозим маошларини тасдиқлайди ҳамда маошга кўшимча устамалар миқдорини белгилайди;

Кўмитанинг иқтисодий ва бошқа дастурлари амалга оширилишини таъминлайди;

Кўмита мол-мулкидан тўғри фойдаланилишини назорат қилади;

Кўмитанинг барча расмий ҳужжатларини имзолайди, кредит тақсимловчи ҳисобланади, барча молиявий, хўжалик, банк ва бошқа ҳужжатларига биринчи имзо қўйиш ҳуқуқига, шунингдек, Кўмитанинг думалоқ муҳрини ва бурчак нгтамнини сақлаш ҳуқуқига эга бўлади;

Кўмита фаолиятини Устав талабларига мувофиқлигини таъминлайди;

Кўмитанинг моддий ва молиявий фондидан оқилона фойдаланишга жавобгар ҳисобланади;

ушбу устав ва Ўзбекистон Республикаси қонунчилигига мувофиқ равишда бошқа ваколатларни амалга оширади;

5.9. Ўзбекистон Республикасида ёки бутун дунёда пандемия тарақалган вақтда Ўзбекистон Республикаси ваколатли органларининг карантин қоидаларини жорий этиш ҳақида қарори қабул қилинганида, Ўзбекистон Миллий Олимпия кўмитасининг раҳбар органлари – Бош ассамблея, Ижроия кўмита, Ижроия кўмита Бюросининг йиғилишлари видеоконференцалоқа тизимидан фойдаланган ҳолда ўтказилиши мумкин.

5.10. Сони Бош ассамблея томонидан белгиланадиган Раис ўринбосарлари, Кўмита Раисига ўз мажбуриятларини бажаришда ёрдам беради, у томонидан топширилган вазифаларнинг бажаралишини таъминлайди.

5.11. Бош котиб лавозимга ушбу уставда белгиланган тартибга мувофиқ, Кўмита Раисининг тақдимномасига биноан Бош ассамблея томонидан сайланади.



5.12. Бош котиб:

Кўмитанинг йиллик ҳисоботи лойиҳасини тайёрлайди, Бош ассамблея, Ижроия кўмита, Ижроия кўмита Бюросида кўриб чиқиладиган ҳужжатларнинг тайёрланишини таъминлайди;

Кўмита раиси билан биргаликда мажлис баённомаларини имзолайди, Бош ассамблея, Ижроия кўмитаси, Ижроия кўмита Бюроси котиби мажбуриятларини бажаради;

Кўмита Раиси томонидан берилган ишончномага асосланиб, учинчи шахслар билан муносабатда Кўмита номидан иш кўради;

Кўмита Раиси томонидан белгиланган муддатларда ўз фаолияти тўғрисидаги ахборот ва ҳисоботларни тақдим этади;

Бошқарув органлари ва Кўмита Раиси қарорларининг бажарилиши ва назоратини ташкил қилади;

Давлат органлари, жамоат ташкилотлари, ходимлар ва Кўмита комиссиялари билан ишларни мувофиқлаштиради;

Устав фаолиятини амалга ошириш учун кўмита Раиси билан келишган ҳолда кўшимча молиявий ва моддий манбаларни жалб этади;

Кўмита бошқарув органлари йиғилиш баённомаларининг қилинишини таъминлайди;

Кўмита Раисининг ишончномасига асосланган ваколатлар доирасида ўз ваколатларининг бир қисмини ўзи томонидан вакил қилинган исталган Кўмита ходимига ўтказиш ҳуқуқига эга;

келинув асосида Кўмита фаолиятининг мақсад ва предметини амалга оширадиган, ички тартибни қатъий тартибга солувчи ҳужжатларни тасдиқлайди;

Кўмита аъзолари реестрини юритади;


агар бонқ ҳолат ушбу Уставда кўзда тутилмаган бўлса, ваколати доирасидаги қарорларни ўз ихтиёрига кўра яққа ўзи қабул қилади;

молиявий ҳисоботларни ва йиллик текширувини таъминлайди;

Бош ассамблея, Ижроия кўмитаси ёки Кўмита Раиси томонидан топширилган бонқ вазифаларни бажаради.

5.13. Кўмита жорий ташкилий-ижровий ва молиявий-ҳўжалик фаолиятини амалга оширувчи, унинг вазифаларини бажариш учун зарур бўлган ҳамда Кўмита Раиси раҳбарлигида иш олиб борадиган ходимлар камланмасидан иборат маъмурий маҳкамага эга.

5.14. Қорақалпоғистон Республикаси, вилоят марказлари, шаҳар ва туманларда Олимпия ҳаракатини ривожлантириш масалаларини ҳал этиш мақсадида Олимпия клублари ташкил этилади. Улар ўз ишларида таркибда кўпчилик бўлган спорт федерацияларига таянади.



5.15. Олимпия клублари вазифасига қуйидагилар киради:
 ўз ҳудудларида Олимпия дастурларини амалга ошириш;
 ўқув муассасаларида Олимпия таълимини ривожлантириш;
 олимпизм ғояларини тарғиб этиш;
 ўз ҳудудидаги барча ташкилотларга Олимпия ҳаракатининг
 манфаатларини ифодалаш.

VI. Тафтиш комиссияси

6.1. Қўмитанинг молия-хўжалик ҳамда устав фаолияти устидан назорат
 қилиш мақсадида уч кишидан иборат Тафтиш комиссияси тузилади.

Тафтиш комиссияси Бош ассамблея томонидан Қўмита ва унинг
 бўлинмаларида тафтиш ўтказиш учун уч кишидан иборат таркибда 4 йил
 муддатга сайланади.

6.2. Тафтиш комиссияси қуйидаги ҳуқуқларга эга:

Қўмитанинг устав фаолияти, молиявий ҳисоботи ва бюджети бўйича
 ўз баҳоси ва таклифларини бериш;

Қўмита раҳбар органларидан бухгалтерия, молия ва бошқа зарур
 ҳужжатларни олиш;

Бош ассамблеяга Қўмита, унинг ижро органлари ва таркибий
 тузилмалари фаолияти ҳамда молиявий фаолияти бўйича материаллар
 тақдим этиш.

Тафтиш комиссияси ўз фаолияти натижалари тўғрисида фақат Бош
 ассамблея олдида ҳисобот беради.

Қўмита ижро органида ва унинг бўлинмаларида иш ҳақи асосида
 меҳнат қилувчи бошқа шахслар Ижроия қўмита ҳамда Назорат-тафтиш
 комиссияси аъзоси бўлиши мумкин эмас.

VII. Қўмитанинг бўлинмалари

7.1. Қўмита ўзининг ҳудудий бўлинмаларини ташкил этади ва улар
 ҳудудий адлия органлари томонидан белгиланган тартибда давлат (ёки
 ҳисоб) рўйхатидан ўтказилади.

Бўлинмалар ўз фаолиятини мазкур устав ҳамда Қўмитанинг ҳудудий
 бўлинмалари тўғрисидаги низоми асосида амалга оширади.

7.2. Қўмитанинг ҳудудий бўлинмаларини тузиш, ташкил этиш
 ва фаолиятини тугатиш тартиби, уларнинг ҳуқуқ ва мажбуриятлари ҳамда
 мол-мулкни бошқариш борасидаги ҳуқуқлари уларнинг низомларида
 батафсил белгиланади.



VIII. Қўмитанинг мол-мулки ва пул маблағларини шакллантириш манбалари

8.1. Қўмитанинг мол-мулки унинг ҳисобидаги пул маблағлари ва (кўчар ва кўчмас) мол-мулклари, шу жумладан, унинг биноси, иншоотлари ҳамда қонун ҳужжатларида таъқиқланмаган бошқа мол-мулкларидан иборат.

8.2. Қўмитанинг мол-мулкини шакллантириш манбалари қуйидагилардан иборат.

кириш ва аъзолик бадаллари;

юридик ва жисмоний шахсларнинг ҳомийлик маблағлари;

ихтиёрий мулкӣ бадаллар ва эҳсонлар;

хайрия маблағлари ва грантлар;

ХОҚ ва Халқаро ташкилотлар томонидан тўланадиган маблағлар;

тадбиркорлик фаолиятдан олинган, фақат устав мақсадлари учун ~~қўмитанинг~~ даромадлар (фойда);

қонунларда тақиқланмаган бошқа тушумлар.

8.3. Қўмита ўз мажбуриятлари бўйича фақат ўзига тегишли бўлган мол-мулк учун жавобгар бўлади. Қўмита аъзоларининг мажбуриятлари учун, ~~аъзолар~~ Қўмитанинг мажбуриятлари учун жавобгар бўлмайди.

8.4. Қўмитанинг мол-мулкларини бошқариш, фойдаланиш, тасарруф ~~этиш~~ ҳуқуқи Ижроия қўмитанинг ваколатига тегишли.

IX. Қўмитанинг ҳисоб ва ҳисоботи

9.1. Қўмита қонунда белгиланган тартибда ўз фаолияти ~~натижаларининг~~ ҳисоби ва ҳисоботини, бухгалтерлик ва статистик ҳисоботни юритади ва уларнинг ҳақиқийлигини қафолатлайди.

9.2. Қўмита рўйхатдан ўтказувчи органга ҳамда солиқ ва статистика ~~органларига~~ белгиланган тартибда ҳисоботлар тақдим этади.

X. Қўмитани қайта ташкил этиш ва тугатиш тартиби

10.1. Спорт масалалари бўйича юзага келадиган низолар фақатгина ~~Швейцариянинг~~ Лозанна шаҳридаги арбитраж суди орқали ҳал этилади, ~~қонун~~ қарор спорт Арбитраж суди кодексига мувофиқ қабул қилинади.

10.2. Қўмитани қайта ташкил этиш ёки тугатиш амалдаги қонун ~~ҳужжатлари~~ асосида амалга оширилади.

10.3. Қўмитани қайта ташкил этиш Бош ассамблея қарори билан уни ~~қўриб~~ юбориш, бирлаштириш, бўлиш, ажратиб чиқариш, қайта тузиш йўли ~~билан~~ амалга оширилади.

10.4. Қўмитани тугатиш Бош ассамблея ёки суднинг қарорига асосан ~~амалга~~ оширилади.



10.5. Кўмитани тугатиш тўғрисидаги қарорни қабул қилган орган рўйхатдан ўтказувчи орган билан келишилган ҳолда тугатиш комиссиясини ташкил қилади.

10.6. Кўмитани давлат рўйхатидан ўтказган орган томонидан Кўмитанинг тугатилганлиги ҳақида нодавлат нотижорат ташкилотлари давлат реестрига тегишли ёзув киритилган вақтдан бошлаб Кўмита тугатилган деб ҳисобланади.

10.7. Кўмитанини тугатиш натижасида қолган мол-мулк унинг аъзолари ва ходимлари ўртасида тақсимланиши мумкин эмас.

10.8. Кредиторлар талаби қондирилгандан сўнг, қолган мол-мулк Кўмитанинг устав мақсадлари йўлида сарфланади.

XI. Яқунловчи қоидалар

11.1. Устав Кўмита қонун ҳужжатларида белгиланган тартибда давлат рўйхатидан ўтган кундан бошлаб юридик кучга киради.

11.2. Уставга ўзгартишлар ва қўшимчалар киритиш Бош ассамблея қарори асосида амалга оширилади ҳамда уставга киритилган ўзгартириш ва қўшимчалар қонун ҳужжатларида белгиланган тартибда қайта рўйхатдан ўтказилиши лозим.

11.3. Кўмитанинг таъсис ҳужжатларида ўз ифодасини топмаган масалалар Ўзбекистон Республикасининг тегишли қонун ҳужжатлари билан тартибга солинади.


11.4. Устав қоидаларини Ўзбекистон Республикаси норматив-ҳуқуқий ҳужжатларига зид тарзда талқин қилиш мумкин эмас ҳамда уставнинг норматив-ҳуқуқий ҳужжатларга зид тарзда ифода қилинган бандлари ҳақиқий эмасдир.

Ўзбекистон Республикаси
Миллий Олимпия Кўмитаси
Ранси



Р.Шаабдурахмонов

Устав 15 varaqda,
saxifalarni raqamlangan
ish ukaazo-likningan.



Qimmatli qog'ozlar va boshqa hujjatlar bo'yicha qo'shimcha ma'lumot uchun Davlat notaryatiga murojaat qilish kerak.

Ustav 15 varaqda, saxifalarni raqamlangan ish ukaazo-likningan.

Ustav 15 varaqda, saxifalarni raqamlangan ish ukaazo-likningan.